

C A P I T A N A T A.

planities excipit, ad ducenta p.m. contineat. Ornat quoque eam Sinus, qui *Vrias* Pomponio Melæ; hodiè vero *Golfo di Rode*, nomen habens à Roda oppido, quod *Vria* quondam Latinis.

Opida ad montem Garganum.

*Caprinum*, *Cognatum*, *Iscitella*, *Bestia* sic dicta, pro *Vesta*, cujus hic putatur fuisse ædes, *Vestice*, castellum; *Rode* civitas; olim *Hyrium* & *Vria*. Sunt qui Italico idiomate *Rore* potius, quam *Rode* dici debuisse censeant: quod hic summa roris temperies agros mire fecundet. In ipso monte opidum est *D. Angeli*, frequens, & loci natura perquam munitum: unde mons *Garganus* etiam vulgo *monte di S. Angelo* vocatur. Castellum *D. Ioannis Rotundi*, *S. Giovanni Ritondo*, quo finitimæ gentes 111 Eidus Iunii, die, qui *D. Honofrio* dictatus, conveniunt, perpensaque messis, annonæque vel ubertate vel angustia, communi omnium consensu certum frumento precium ejus anni decernunt, quod excedere nemini liceat. Iuxta radices montis *D. Viti* opidum est, & castellum *Arinianum*, *Arignano*. Deinde versus Occidentem, *S. Alicandri*, *S. Alicandro*, invenitur; quintoque inde milliari aliud honestum opidum *Precina*, *Turris Major*, opidumque nobile, frequens, & opulentum, *D. Severi*.

Lacus Gargani.

Ab lævo latere *Gargani* lacus sunt duo, vulgaribus appellationibus, *Lago di Varano* alter; alter, qui intimo sinus recessui proximus, *Lago di Lesina*. In intimum sinus recessum effunditur *Frento* amnis. Decem millia passuum ab ostio ejus & dicto lacu rudera exstant antiqui opidi, prope ripam amnis; quæ *Teanum Apulum* fuisse existimantur: locus hodie *Civitate* dicitur. Fuit in mediterraneis opidum *Gerio* *Livio*, *Polybio Gerunium*, & *Tabulæ Itin. Geronium*, quod intervalla docent fuisse ubi hodie *Tragonara*.

Gerion

Gerunium.

Lucera.

*Luceria* opidum vulgo vocatur *Lucera*. Quæ

nomina temporis successu cum *Nuceria* & *Nocera* (ut nunc etiam vulgo appellari solent) fuere commutata. Memoratur *Polybio*, *Ciceroni*, *Cæsari*, *Livio*, *Dionysio Halicarnassensi*, *Straboni*, *Plinio*, *Frontino*, *Appiano*, *Stephano*, *Æthico*. Cognomento dicta fuit *Apula* (uti & *Nuceria Saracenorum*, *Nocera de gli Saraceni*, & *Luceria degli pagani*) ad discrimen *Campaniæ*, *Umbriæ*, & *Galliæ Cispadanæ* *Nuceriarum*. Antiquissima est urbs, ut cui conditor *Diomedes* adscribitur. Colonia fuit *Romanorum*.

Ad idem cum *Luceria* flumen *Cerbalum* fuit *Arpi*. opidum, cui vocabulum ab initio *Lampe* fertur fuisse; dein *Argos Hippium*; mox *Argurippa*; sive unico *P. Argyrippa*, ac tandem *Arpi*. de quo omis- sis aliis, ita *Isacius*: Quum *Diomedes*, post *Ilii* ever- sionem, in patriam *Argos* navigasset, uxoremque suam *Egialeam* à *Cometa*, *Stheneli* filio, corruptam inveniret, ira *Veneris* ab se vulnerata; quumque *Egialea* eum in- terficere quæretet: tunc quidem in *Iunonis* *Argiva* aram confugiens, servatur. postea vero in *Italiam* pro- fectus est, ad *Dauniorum* gentem barbaram; cui rex erat *Daunus*. Is quum ab hostibus obsideretur, auxili- um atque opem ab *Diomede* petiit; partem terræ ei se da- turum pollicens. *Diomedes* vero, auxilio suo victoria *Daunis* parta, condidit urbem *Argyrippam* sive *Hippi- um* *Argos*. Maxima quondam fuit urbs, ut ho- dieque ex ruinis, quæ *Arpe* incolis, videre est.

Eodem terrarum tractu, à dextro viæ latere, quâ à *Nuceria* *Arpos* itur, situm est opidum, quod *Livio Ardeone*; libro de limitibus *Ardona* *Ardona*. dicitur: quorum hoc etiam nunc nomen iisdem literis obtinet.

Propius hinc *Apennini* juga est opidum *Ascu- Asculum*. lum, cognomine *Apulum*; ad discrimen *Asculi Pi- ceni*, vulgo *Ascoli*. Urbs est admodum antiqua, & multis veteribus memoratur.

